

Broj: 01-02-3-1005/16
Sarajevo, 27.05.2016. godine

Z A P I S N I K
**11. REDOVNE SJEDNICE PREDSTAVNIČKOG DOMA PARLAMENTA
FEDERACIJE BIH, održane 18.05.2016. godine**

Sjednica je počela u 12.45.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Prije nego se krenulo raditi predsjedavajući je obavijestio zastupnike da će poziv za nastavak 10. redovne sjednice pravovremeno dobiti, te je otvorio 11. redovnu sjednicu. Uslijedila je diskusija o ovom pitanju u kojoj su učestvovali: Damir Mašić, Nasir Beganović, Dženan Đonlagić i Dennis Gratz.

Nakon diskusije, predsjedavajući Mušić pozdravio je zastupnice i zastupnike, članove Vlade Federacije BiH, predstavnike Međunarodne zajednice, kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Alma Kratina, Kenela Zuko, Slavica Josipović, Amra Kunovac, Zikreta Odobašić, Ilhan Bušatlić i Vjekoslav Bakula.

Prema evidenciji Stručne službe, predsjedavajući je konstatovao da sjednici prisustvoje dovoljan broj zastupnika za kvalitetan rad i odlučivanje.

Prešlo se na izmjene i dopune dnevnog reda. Vlada Federacije BiH dopisom je preložila da se na dnevnom redu današnje sjednice razmatra i Prijedlog Zakona o izmjenama i dopunama Zakona o izvršnom postupku. Ombudsmeni za ljudska prava BiH dostavili su obavještenje u kojem navode da nisu u mogućnosti prisustvovati današnjoj sjednici, te predlažu da se tačka dnevnog reda - Godišnji izvještaj o rezultatima Institucije ombudsmena za ljudska prava BiH razmara na nekoj od narednih sjednica.

U raspravi su učestvovali: Nasir Beganović, Dženan Đonlagić, Elvir Karajbić, Damir Mašić i Zukan Helez.

Prijedlog Vlade Federacije BiH da se Prijedlog Zakona o izvršnom postupku razmatra na dnevnom redu današnje sjednice nije usvojen (49 glasova za, 26 glasova protiv i šest uzdržanih glasova).

Prijedlog da se Godišnji izvještaj o rezultatima Institucije ombudsmena za ljudska prava BiH skine sa dnevnog reda nije usvojen (42 glasa za, 27 glasova protiv i 13 uzdržanih glasova).

Prijedlog Nasira Beganovića da se u dnevni red uvrsti tačka – Prijedlog Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom - na osnovu pojedinačnog izjašnjavanja nije usvojen (49 glasova za, 12 glasova protiv i 19 uzdržanih glasova).

Elvir Karajbić je, u ime Kluba zastupnika SDP, predložio da se u dnevni red uvrsti tačka - Prijedlog Zakona o volontiranju - koja na osnovu pojedinačnog izjašnjavanja nije usvojena (31 glas za, sedam glasova protiv i 41 uzdržani glas).

Elvir Karajbić je, u ime Kluba zastupnika SDP, predložio da se u dnevni red uvrsti Prijedlog Zakona o liječenju neplodnosti biomedicinski potpomognutom oplodnjom nije usvojen (36 glasova za, 28 glasova protiv i 10 uzdržanih glasova).

Na osnovu pojedinačnog izjašnjavanja, sa 50 glasova za, uz 20 glasova protiv i uz 11 uzdržanih glasova, usvojen je prijedlog Nasira Beganovića da se u dnevni red uvrsti tačka – Nacrt Zakona o penzijskom i invalidskom osiguranju.

Predsjedavajući je dao kratku pauzu radi konsultacija.

Nakon kratke pauze, zastupnik Damir Mašić obrazložio je svoj prijedlog da se u dnevni red uvrsti tačka – Prijedlog Zakona o izmjenama i dopunama Zakona o igrama na sreću - čiji je predlagač zastupnik Ramiz Meša.

Potpredsjedavajuća Vesna Švancer predložila je, u ime Kolegija, da se Nacrt Programa rada Predstavničkog doma Parlamenta Federacije BiH razmatra u formi prijedloga.

Nakon prijedloga zastupnika Damira Mašića uslijedila je diskusija u kojoj su učestvovali: Ismet Osmanović, Ramiz Meša, Damir Mašić, Elvir Karajbić, Jasmina Zubić, Nasir Beganović, Mahir Mešalić, Dennis Gratz i Dževad Adžem.

U ime Kluba zastupnika SDP Elvir Karajbić zatražio je pauzu 15 minuta.

Nakon pauze, diskutovali su: Elvir Karajbić, Dženan Đonlagić, Safet Kešo, Damir Mašić, Nasir Beganović, Jusuf Bubica, Dennis Gratz i Jozo Bagarić.

Nakon diskusije, predsjedavajući je pozvao zastupnike da se izjasne o prijedlogu zastupnika Damira Mašića da se u dnevni red uvrsti tačka – Prijedlog Zakona o izmjenama i dopunama Zakona o igrama na sreću, predlagača Ramiza Meše. Na osnovu pojedinačnog izjašnjavanja, sa 32 glasa za, bez glasova protiv i uz jedan uzdržani glas, nije usvojen prijedlog Damira Mašića.

Uslijedila je prozivka za utvrđivanje kvoruma.

Predsjedavajući je nakon prozivke ustanovio prisustvo 79 zastupnika u sali.

Sa 54 glasa za, uz 14 glasova protiv i uz 10 uzdržanih glasova, usvojen je, u ime radne grupe, prijedlog potpredsjedavajuće Vesne Švancer da se 6. tačka - Nacrt Programa rada Predstavničkog doma Parlamenta Federacije BiH - razmatra u formi prijedloga.

Predsjedavajući je pozvao zastupnike da se izjasne o dnevnom redu današnje sjednice.

Nakon glasanja, Dženan Đonlagić zatražio je pojedinačno izjašnjavanje. Ismet Osmanović je, u ime Kluba zastupnika SDA, zatražio pauzu 10 minuta.

Pauza 10 minuta.

Nakon pauze, Ismet Osmanović kazao je da je tražio pauzu zbog konsultacija u Klubu, te zatražio pojedinačno izjašnjavanje o dnevnom redu.

Na osnovu pojedinačnog izjašnjavanja, sa 53 glasa za, uz 13 glasova protiv i uz sedam uzdržanih glasova, usvojen je sljedeći:

D N E V N I R E D

1. Prijedlog Zakona o finansijskom poslovanju,
2. Prijedlog Zakona o izmjenama i dopunama Zakona o internoj reviziji u javnom sektoru u Federaciji BiH,
3. Nacrt Zakona o izmjenama i dopunama Zakona o izvršenju krivičnih sankcija u Federaciji BiH,
4. Nacrt Zakona o veterinarsko-medicinskim proizvodima,
5. Nacrt Zakona o penzijsko-invalidskom osiguranju,

6. Prijedlog Programa rada Predstavničkog doma Parlamenta Federacije BiH za 2016. godinu,
7. Prijedlog Odluke o prihvatanju zaduženja po Ugovoru broj 1 o Amandmanu na Ugovor o zajmu od 27. oktobra 2011. godine između BiH i Evropske banke za obnovu i razvoj za Projekt izgradnje gradskih saobraćajnica u Sarajevu,
8. Izvještaj o izvršenju Budžeta za period od 01. januar do 31. decembra 2015. godine,
9. Godišnji izvještaj o rezultatima aktivnosti Institucije ombudsmena za ljudska prava BiH za 2015. godinu,
10. Usaglašavanje tekstova zakona različito usvojenih u domovima Parlamenta Federacije BiH,
11. Izbori i imenovanja.

Nakon usvajanja dnevnog reda Jusuf Bubica je, u ime Kluba zastupnika BPS, kazao da će zbog neprincipijelnosti glasanja Koalicije u dosadašnjem radu Klub napustiti sjednicu.

1. Prijedlog Zakona o finansijskom poslovanju

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

Nacrt Zakona usvojen je u Predstavničkom domu na nastavku 30. redovne sjednice od 04.06.2014. godine.

U ime Vlade Federacije BiH dodatno obrazloženje dala je ministrica Jelka Milićević.

Na Prijedlog Zakona amandmane su podnijeli Sanel Razić - jedan amandman i Jasmina Zubić dva amandmana. Vlada Federacije prihvatila je amandman Sanela Razića.

Amandman: U članu 18. stav (4) mijenja se i glasi:

„Radnjama iz stava (3) ovog člana naročito se smatraju: preusmjeravanje novčanih i finansijskih tokova na druga lica, davanje zajma, isplaćivanje akontacije dobiti ili dobiti, isplaćivanje dividende, obavljanje prijenosa prava na treća lica naročito na povezana društva, nabavka putničkih automobila i rezervnih dijelova za takva prijevozna sredstva, izdatke za poslovne zabave i smještaj, izdatke obveznika za reprezentaciju.“

Dva amandmana Jasmine Zubić Vlada nije prihvatila.

U ime Odbora za ekonomsku i finansijsku politiku obrazlagao je Sanel Razić.

U raspravi su učestvovali Elvir Karajbić i Jasmina Zubić.

Amandman I. Jasmine Zubić, koji se odnosi na član 18. tačka 7. nije usvojen (27 glasova za, 18 glasova protiv i 20 uzdržanih glasova). Amandman II. Jasmine Zubić, koji se odnosi na član 24c) nije usvojen (17 glasova za, 14 glasova protiv i 33 uzdržana glasa).

Sa 54 glasa za, uz 14 glasova protiv i uz jedan uzdržani glas, usvojen je Prijedlog Zakona o finansijskom poslovanju.

2. Prijedlog Zakona o izmjenama i dopunama Zakona o internoj reviziji u javnom sektoru u Federaciji BiH

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

Nacrt Zakona usvojen je u Predstavničkom domu na 8. redovnoj sjednici 09.10.2015. godine.

U ime Federalnog ministarstva finansija dodatno obrazloženje dala je Fatima Ophođaš, pomoćnica ministrice. Kazala je da je Vlada prihvatila dva amandmana Kluba zastupnika SDP.

Amandman I.

Član 1. (U članu 1. u stavu 2. iza riječi: „fondova“ mijenja se tekst i glasi: „kao i na pravna lica u kojima Federacija, kantoni ili općine imaju većinski udjel“.)

Amandman II.

Član 3. (U stavu 4. dodatog člana 5a. iza riječi: „Prije“ dodati riječi: „pokretanja disciplinskog postupka“.)

U ime Odbora za ekonomsku i finansijsku politiku obrazlagao je Sanel Razić.

Sa 57 glasova za, uz devet glasova protiv i uz jedan uzdržani glas usvojen je Prijedlog Zakona o izmjenama i dopunama Zakona o internoj reviziji u javnom sektoru u Federaciji BiH.

3. Nacrt Zakona o izmjenama i dopunama Zakona o izvršenju krivičnih sankcija u Federaciji BiH

Nacrt Zakona utvrdila je Vlada Federacije BiH.

Nacrt Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dao je ministar Mato Jozić.

U ime Komisije za pravdu i opću upravu obrazlagao je Davor Vuletić.

U raspravi su učestvovali: Faruk Ćupina, Elvir Karajbić, Amra Haračić i Davor Vuletić.

Sa 51 glasom za, uz 13 glasova protiv i uz jedan uzdržani glas, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona o izmjenama i dopunama Zakona o izvršenju krivičnih sankcija u Federaciji BiH, te smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koje su dostavljene ili će biti dostavljene u pisanoj formi.

4. Nacrt Zakona o veterinarsko-medicinskim proizvodima

Nacrt Zakona utvrdila je Vlada Federacije BiH.

Nacrt Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dala je pomoćnica ministra Nada Rajković.

U ime Odbora za poljoprivredu, vodoprivredu i šumarstvo obrazlagao je Bajro Makić.

U raspravi su učestvovali: Jozo Bagarić, Mira Ljubijankić, Dennis Gratz, Hasida Isaković i Zijad Alajbegović.

Sa 54 glasa za, uz tri glasa protiv i uz dva uzdržana glasa, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona o veterinarsko-medicinskim proizvodima, te smatra da može poslužiti kao osnova za izradu prijedloga Zakona.

Zadužuje se predlagač da provede javnu raspravu u trajanju 90 dana.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koje su dostavljene ili će biti dostavljene u pisanoj formi.

5. Nacrt Zakona o penzijsko-invalidskom osiguranju

Nacrt Zakona utvrdila je Vlada Federacije BiH.

Nacrt Zakona razmatrala su nadležna radna tijela i dostavila izvještaje.

U ime Vlade ministar Drljača dao je dodatno obrazloženje.

U raspravi su učestvovali: Elvir Karajabić, Osman Suljagić, Faruk Ćupina, Almir Zulić, Mensud Borović, Dženan Đonlagić, Jasmina Zubić i Davor Vuletić.

Sa 53 glasa za, uz osam glasova protiv i uz dva uzdržana glasa, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Zakona o penzijskom i invalidskom osiguranju, te smatra da može poslužiti kao osnova za izradu prijedloga Zakona.

Zadužuje se predlagač da u skladu sa Ustavom Federacije BiH provede javnu raspravu u trajanju 60 dana i to u saradnji sa nadležnim kantonalnim ministarstvima.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koje su dostavljene ili će biti dostavljene u pisanoj formi.

6. Prijedlog Programa rada Predstavničkog doma Parlamenta Federacije BiH za 2016. godinu

Prijedlog Programa rada utvrdila je Radna grupa.

U ime radne grupe dodatno obrazloženje dala je potpredsjedavajuća Doma Vesna Švancer.

U raspravi su učestvovali: Rasim Omerović, Ismet Osmanović, Jasmina Zubić, Elvir Karajabić, Faruk Ćupina i Davor Vuletić.

Sa 60 glasova za, uz tri glasa protiv i uz dva uzdržana glasa, Predstavnički dom usvojio je Program rada Predstavničkog doma Parlamenta Federacije BiH uz zaključak da Radna grupa, na osnovu diskusija izrečenih na sjednici, izvrši korekcije i dostavi ga zastupnicima te da se objavi na web stranici Doma.

7. Prijedlog Odluke o prihvatanju zaduženja po Ugovoru broj 1 o Amandmanu na Ugovor o zajmu od 27. oktobra 2011. godine

između BiH i Evropske banke za obnovu i razvoj za Projekt izgradnje gradskih saobraćajnica u Sarajevu

Prijedlog Odluke dostavila je Vlada Federacije BiH.

Prijedlog Odluke razmatrala su nadležna radna tijela i dostavila izvještaje.

U raspravi niko nije učestvovao.

Sa 60 glasova za, uz šest glasova protiv i uz dva uzdržana glasa, usvojen je Prijedlog Odluke o prihvatanju zaduženja po Ugovoru broj 1 o Amandmanu na Ugovor o zajmu od 27. oktobra 2011. godine između BiH i Evropske banke za obnovu i razvoj za Projekt izgradnje gradskih saobraćajnica u Sarajevu.

8. Izvještaj o izvršenju Budžeta za period od 01. januara do 31. decembra 2015. godine

Izvještaj je dostavila Vlada Federacije BiH.

Izvještaj su razmatrala nadležna radna tijela i dostavila izvještaje.

U ime Vlade Federacije BiH dodatno obrazloženje dala je ministrica Jelka Milićević.

U raspravi niko nije učestvovao.

Sa 50 glasova za, uz 14 glasova protiv i uz dva uzdržana glasa, usvojen je Izvještaj o izvršenju Budžeta za period od 01. januara do 31. decembra 2015. godine.

9. Godišnji izvještaj o rezultatima aktivnosti Institucije ombudsmana za ljudska prava BiH za 2015. godinu

Budući da izvjestilac o ovoj tački nije bio prisutan, o njoj se nije izjašnjavalo.

10. Usaglašavanje tekstova zakona različito usvojenih u domovima Parlamenta Federacije BiH

Prijedlog Zakona o komasaciji

Predstavnički dom Parlamenta Federacije BiH je na 3. sjednici, održanoj 27.10.2015. godine, usvojio Prijedlog Zakona o komasaciji u tekstu kako ga je predložila Vlada Federacije BiH. Dom naroda Parlamenta Federacije BiH je na 8. sjednici, održanoj 11.02.2016. godine, usvojio Prijedlog Zakona o komasaciji u tekstu kako ga je predložila Vlada Federacije BiH. Služba za izradu izvornika uočila je razlike u tekstovima na službenim jezicima. Federalna uprava za geodetsko-imbuvinske poslove potvrdila je uočene razlike i dostavila korekcije.

U raspravi je učestvovala Mira Ljubijankić.

Sa 54 glasa za, uz četiri glasa protiv i uz 10 uzdržanih glasova, Predstavnički dom Parlamenta Federacije BiH, usvojio je korekcije na Prijedlog Zakona o komasaciji onako kako ih je predložila Federalna uprava za geodetske i imovinsko-pravne odnose:

- u članu 3. u stavu 4. Zakona o komasaciji na hrvatskom jeziku umjesto riječi: „izvlaštenja“ treba pisati riječ: „uvjeta“;
- u članu 65. u stavu 5. Zakona o komasaciji na bosanskom jeziku iza riječi: „stava“ umjesto broja: „4“ treba pisati broj: „3“;
- u članu 65. u stavu 5. Zakona o komasaciji na hrvatskom jeziku umjesto riječi: „iz prethodnog stavka“ trebaju pisati riječi: „iz stavka 3. ovoga članka“;

- u članu 83. u stavu 2. Zakona o komasaciji na bosanskom jeziku iza riječi: „općinsko“ dodati riječi: „ ,odnosno gradsko“;
- u članu 83. u stavu 2. Zakona o komasaciji na hrvatskom jeziku iza riječi: „općinsko“ dodati riječi: „ ,odnosno“;
- u članu 83. u stavu 2. Zakona o komasaciji na srpskom jeziku iza riječi: „opštinsko“ dodati riječi: „ ,odnosno gradsko“.

Prijedlog Zakona o izmjenama i dopunama Krivičnog zakona Federacije BiH

Predstavnički dom Parlamenta Federacije BiH na 8. redovnoj sjednici, održanoj 23.02.2016. godine, usvojio je Prijedlog Zakona o izmjenama i dopunama Krivičnog zakona Federacije BiH uz jednu ispravku tehničke prirode, koju je dao ministar Mato Jozić, a odnosi se na član 11. stav 4. Dom naroda Parlamenta Federacije BiH je na 11. sjednici od 31.03.2016. godine usvojio Prijedlog Zakona sa primjedbama Komisije za jezička pitanja, koje je Vlada Federacije BiH prihvatila na sjednici Doma naroda.

U raspravi niko nije učestvovao.

Sa 52 glasa za, uz osam glasova protiv i uz sedam uzdržanih glasova, Predstavnički dom usvojio je primjedbe na Prijedlog Zakona o izmjenama i dopunama Krivičnog zakona Federacije BiH onako kako su usvojene u Domu naroda Parlamenta Federacije BiH.

11. Izbori i imenovanja

U ime Komisije za izbor i imenovanja dodatno obrazloženje dao je Mladen Bošković. Komisija je na 19. sjednici, održanoj 17.05.2016. godine, razmatrala imenovanje Nadzornog odbora Agencije za privatizaciju Federacije BiH, kao i konačan prijedlog Radne grupe za predsjednika i članove Nadzornog odbora, te konstatovao da prijedlog nije dobio potrebnu većinu. Komisija je zaključila da ostaje pri izvještaju sa 18. redovne sjednice.

U raspravi niko nije učestvovao.

Sa 52 glasa za, uz četiri glasa protiv i uz četiri uzdržana glasa, Predstavnički dom usvojio je Izvještaj Komisije za izbor i imenovanja.

Predsjedavajući je zaključio rad 11. redovne sjednice u 19.14.

Transkript i prijepis transkripta sjednice čine sastavni dio Zapisnika.

v. d. SEKRETARA
PREDSTAVNIČKOG DOMA
PARLAMENTA FEDERACIJE BIH

Stela Ibrović

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Edin Mušić

